

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 03/2-27-855/23

Bihać, 17.03.2023.godine

Na osnovu člana 52. stav (1) tačka a) Statuta Grada Bihaća („Službeni glasnik Grada Bihaća“, broj: 13/15, 13/18 i 12/22), a u vezi sa članovima 140. i 183. stav (2) Poslovnika Gradskog vijeća Bihać („Službeni glasnik Grada Bihaća“ broj: 3/16 i 4/20) gradonačelnik Grada Bihaća

O D R E Đ U J E

Izvjestioca: Pomoćnika gradonačelnika za urbanističko planiranje, građenje, imovinsko-pravne i geodetske poslove, mr. Damira Smajića, dipl.pravnika, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o plaćanju taksa i naknada u postupku pribavljanja akata o građenju za izgradnju sigurne kuće za ugrožene kategorije ljudi i odobrenja za upotrebu objekta

Po ovlaštenju gradonačelnika
rješenje broj 02/1-30-930/23 od 16.03.2023. godine
Dijana Bišćević, dipl.pravnik

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za urbanističko planiranje, građenje,
imovinsko-pravne i geodetske poslove

Broj: 03/2-27-855/23

Bihać, 17.03.2023.godine

GRADSKO VIJEĆE
GRADA BIHAĆA

- o v d j e -

PREDMET: Prijedlog Odluke o plaćanju taksa i naknada u postupku pribavljanja akata o građenju za izgradnju sigurne kuće za ugrožene kategorije ljudi i odobrenja za upotrebu objekta, dostavlja se

U skladu sa odredbom člana 52. stav (1) tačka b) Statuta Grada Bihaća („Službeni glasnik Grada Bihaća“, broj: 13/15, 13/18 i 12/22), a u vezi sa članom 140. tačka d) Poslovnika Gradskog vijeća Bihać („Službeni glasnik Grada Bihaća“ broj: 3/16 i 40/20) u prilogu vam dostavljamo prijedlog Odluke o plaćanju taksa i naknada u postupku pribavljanja akata o građenju za izgradnju sigurne kuće za ugrožene kategorije ljudi i odobrenja za upotrebu objekta.

O B R A Z L O Ž E N J E

I PRAVNI OSNOV

Pravni osnov za donošenje Odluke o plaćanju taksa i naknada u postupku pribavljanja akata o građenju za izgradnju sigurne kuće za ugrožene kategorije ljudi sadržan je u članu 21. tačka ć) Zakona o lokalnoj samoupravi Unsko-sanskog kantona („Službene glasnik Unsko-sanskog kantona“, broj: 8/11), kojim je utvrđena nadležnost Gradskog vijeća za donošenje odluka o upravljanju i raspolaganju imovinom jedinica lokalne samouprave, te u članu 35. stav (1) tačka c) Statuta Grada Bihaća („Službeni glasnik Grada Bihaća“, broj: 13/15,13/18 i

12/22), kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje.

II RAZLOZI DONOŠENJA

Služba za poslove kabineta i mjesne zajednice Grada Bihaća podnijela je zahtjev kojim traži da nadležna služba uputi Gradskom vijeću Bihać prijedlog Odluke o plaćanju taksa i naknada u postupku pribavljanja akata o građenju i odobrenja za upotrebu objekta u vezi sa implementacijom projekta za izgradnju sigurne kuće za ugrožene kategorije ljudi, a za koji je između Grada Bihaća, u svojstvu krajnjeg korisnika i IPSIA BiH-Istituto Pace Sviluppo Innovazione Acli u svojstvu investitora, potpisan Memorandum o razumjevanju broj: 01-04-5312 od 30.09.2022. godine.

Razmatrajući zahtjev i priložene dokaze utvrđeno je da se u cilju implementacije projekta koji se odnosi na izgradnju sigurne kuće za ugrožene kategorije ljudi, Grad Bihać između ostalog obavezuje preuzeti obavezu plaćanja taksa i naknada u postupku ishodovanja akata o građenju i odobrenja za upotrebu, a po prethodno pribavljenoj saglasnosti Gradskog vijeća Bihać što je i definirano tačkom 2) citiranog Memoranduma.

Pored navednog, utvrđeno je da je investitor IPSIA BiH-Istituto Pace Sviluppo Innovazione Acli, ishodovao pravosnažnu urbanističku saglasnost broj: 03/1-19-1-3805/22 od 17.02.2023. godine sa situacijom terena za izgradnju objekta socijalne namjene-sigurne kuće na zemljištu označenom kao k.č. br. 6256/165, k.č. br. 6256/166 i k.č. br. 6256/167 upisane u pl.br. 4200 i zk.ul.br. 3480 k.o. Bihać Grad, kao posjed i vlasništvo Grada Bihaća.

Kako je članom 8. Zakona o Budžetima Federacije BiH („Službene novine F BiH“ broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/99, i 25a/22) i članom 13. Odluke o izvršavanju Budžeta Grada Bihaća („Službeni glasnik Grada Bihaća“ broj: 15/22) utvrđeno da prijedlozi odluka i drugih akata moraju sadržavati izjavu o fiskalnoj procjeni posljedica na budžet iz koje se mora vidjeti povećavaju li se ili smanjuju prihodi i rashodi budžeta, u toku postupka zatraženo je mišljenje Službe za finansije, privredu i poljoprivredu Grada Bihaća.

Dana, 17.03.2023. godine Služba za finansije, privredu i poljoprivredu Grada Bihaća dostavila je akt broj: 05/1-11-sl, kojim daje pozitivno mišljenje na Nacrt Odluke o plaćanju taksa i naknada u postupku pribavljanja akata o građenju za izgradnju sigurne kuće za ugrožene kategorije ljudi i odobrenja za upotrebu objekta s obzirom na to da donošenje i provedba iste neće imati fiskalnih posljedica na budžet Grada Bihaća.

S obzirom na to da bi se implementacijom navedenog projekta odnosno izgradnjom sigurne kuće osigurao smještaj i zbrinjavanje ugroženih kategorija ljudi, smatram opravdanim donošenje ove Odluke i predlažem da se ista usvoji u prezentiranom tekstu.

III FINANSIJSKA SREDSTVA

Za realizaciju ove Odluke finansijska sredstva su obezbjeđena Zaključkom o prestrukturiranju rashoda broj: 05/1-11-689/23 od 24.02.2023. godine.

Postupak vodila:

Mirela Delić, dipl. pravnik

Pomoćnik gradonačelnika za urbanističko planiranje,

građenje, imovinsko-pravne i geodetske poslove

mr. Damir Smajić, dipl. pravnik

Po ovlaštenju gradonačelnika
rješenje broj 02/1-30-930/23 od 16.03.2023. godine
Dijana Bišćević, dipl. pravnik

